



A V MAGNIFIQVE ET VERTVEVX SEIGNEVR,
FRANSOIS LE FORT, SON TRESHON-
NORE COMPERE, SALVT.



A coustume est entre quelques natiōs, & mesmes personnes plus courtoises, treshonoré Compere, que pour tenir en vigueur les amitiez & accointances, quilz ont ensemble, & lesquelles ilz preferent à toutes autres choses, ilz s'entr'enuoyent souuent quelques petis presens, comme de fruitz nouveaux és faisons, & autres tels dons, selon que les occasions le donnent, qui sont les marques & signes de la memoire de leur bien vueillance. Suyant lexemple honeste & imitable desquels, ie vous enuoye maintenant quelques nouveaux fruitz de mon creu de plusieurs sortes, lesquelles i'ay cueilli au verger de mon sens, & les ayant assemblé, i'ay bien voulu vous enuoyer la cueillette entiere, afin que vous, qui auez, comme ie suis bien assuré le goust & iugement subtil, iugiez s'ils sont francs, assez meurs, & de bonne seue. Les fruits qu'ores ie vous presente donc sont quelque Châsons Musicales Françoises, à quatre, à cinq, & huit parties, que i'ay fait imprimer en vn volume, lequel i'ay bien voulu vous dedier, tant en recognoissance de la faueur & bonne affection que vous m'auez tousiours monstrée, comme pour ce que ie cognoy que vous aymez la Musique, & y prenez plaisir, estant en icelle bien exercité. Recevez donc, & prenez en gré, ie vous prie, ce mien labeur & petit present, & le prenez selon vostre benignité & humanité accoustumée en vostre protection & tutelle, ensemble celuy qui desbre vous estre à jamais affectionné Seruiteur.

Jean de Castro.